

DÊPÄ TÍ PÖPÖKÖDÖRÖ TÍ NDIÄ TÍ BATA NENGÖ TERÊ TÍ ZO

TAKAPA

Na hĩngāngō bíanĩ atene nēngō terê tí zo na lĩngbĩngō terê tí āngangũ tí lo laã sī ayeke na gũndâ tí zarä , tí nzõní ngbanga na tí sírĩrĩ na ndô tí dũnía,

Na hĩngāngō nĩ pēpēe na kēngō āndiä tí bata nēngō terê tí zo laã adũ kpälē tí birä sô abi ngonzo na bê tí āhalēzo, ngä sī gāngō tí mbēnĩ finĩ kōdörö sô āhalēzo kûe alĩngbi tí tene tēnē tí bê tí āla, tí mǎbē tí āla afa nĩ tōngana taâ kōtä bēkũ tí āzo tí ndô tí gĩgĩ,

Ayeke kōtä yē mĩngi tí tene azi lē na ndô tí āndiä tí bata nēngō terê tí zo gĩ na lēngō mbēnĩ gerê tí ndiä ndáli tí siõnĩ sēgbiä na lēngō pāsĩ,

Na hĩngāngō nĩ atene ayeke kōtä yē mĩngi tí mũ ngangũ na mǎingō tí lēngō sōngō na pöpō tí kōdörö ndē ndē,

Na hĩngāngō nĩ atene na yâ tí sēndiä halēzo tí bēndo tí gĩgĩ afa tí finĩ nĩ mǎbē tí āla na ātaä ndiä tí zo , na nēngō terê ngä na kōtä tí zo na lĩngbĩngō terê tí āngangũ tí kōlĩ na wǎlĩ, sī āla atene ānĩ yeke sâra ngangũ kûe tí mǎingō tí sēduti tí zo na lēngō ānzõnĩ lēgē tí dutĩ na yâ tí mbēnĩ kōtä zarä ,

Na hĩngāngō nĩ atene ākōdörö sô abũngbi amũ yāngä tí lē kpēngō ndiä tí bata nēngō terê tí zo na zarä tí lo na yâ tí kua tí mabôko na mabôko na bũngbi tí bēndo tí gĩgĩ,

Na hĩngāngō atene mǎngbĩngō bê na āndiä sô na āzarä sô ngä ayeke bíanĩ ngangũ yē mĩngi tí sâra kua sô gĩ na pekô tí yāngä sô āla mũ,

Kōtä Lĩngō

Avũnga

Dêpä tí pöpöködörö tí bātāngō nēngō terê tí zo sô

tōngana kunibē sô halēzo na ākōdörö kûe alĩngbi tí wara, sī āzo kûe ngä na ākũndũ tí bôso kûe asâra ngangũ, na lēgē tí fāngō mbētĩ na fāngō-ndo, tí lē kpēngō āndiä na āzarä sô ngä tí sâra na kodē tí āndiä tí kōdörö wala tí pöpöködörö tí tene ayēka nĩ ngä sī alē tambũla nĩ na ndo kûe, na pöpō tí halēzo na letäa nĩ sô alũ mbere nĩ, tōngana āla sô angbâ na gbe tí lē tí āla.

Sura 1

Adũ āzo kûe yamba, ngä āla lĩngbi terê na lēgē tí nēngō-terê na tí āngangũ. Ala kûe awara ndarä na bōrö-li sī āla lĩngbi tí dutĩ na āmbâ tí āla gĩ na lēngō sōngō.

Sura 2

Zo ôko ôko alĩngbi tí pĩka kate na ndô tí āngangũ sô dêpä avũnga, na sārāngō kāngbi ôko pēpē wala na ndô tí tenē tí marä, wala tí nzorôko tí terê wala tí ndiä wala tí kōlĩ na wǎlĩ tí yāngä kōdörö wala tí mosoro, tí ndo tí dũngō wala tí marä dutĩ,

Na ndõnĩ kûe, alĩngbi tí sâra mbēnĩ kāngbi ôko pēpē sô alõndõ na ndõ tí tēnē tí porosõ wala tí ndiä wala tí pöpöködörö, tí mbēnĩ zo wala tí mbēnĩ kōdörö nĩ sô alĩngbi tí dutĩ lipandä wala na gbe lē tí mbēnĩ kōdörö wala sô ayeke na kpälē tí sēgbiä.

Sura 3

Zo kûe ayeke na ngangũ tí dutĩ na finĩ tí lo, tí dutĩ yamba na tí dutĩ na mbeto tí wara siõnĩ pēpēe.

Sura 4

Zo ôko alĩngbi tí dutĩ na gbe tí ngbāa pēpēe. Akānga lēgē bíanĩ na dutĩ tí ngbāa ngä na dēngō buzē tí kāngō zo na ngbāa.

Sura 5

Zo ôko alĩngbi tí sâra mbâ tí lo na pāsĩ tí ponõn wala na pāsĩ tí finõn pēpēe.

Sura 6

Zo kûe ayeke na ngangũ tí tene ndiä abata lo na āsiõnĩ lākûe na ndo kûe.

Sura 7

Azo kûe alĩngbi terê na lē tí ndiä, ngä āla yeke na ngangũ lēgē ôko na sārāngō kāngbi ôko pēpēe. Amũ na āla ngangũ na sēbātāngō terê lēgē ôko, na tēnē tí kāngbi tí marä sô alĩngbi tí fĩngi dêpä sô ngä na tēnē tí gĩngō lēgē tí kāngbi tí marä sô.

Sura 8

Zo kûe alĩngbi tí lĩ ngbanga na ādangbanga tí kōdörö tí lo tōngana āzo akpē pēpēe āngangũ sô sēndiä tí kōdörö tí lo amũ na lo.

Sura 9

Alĩngbi ôko pēpēe tí gbũ zo na kānga wala tí bata lo na kānga wala tí tokua zo yongôro na kōdörö tí lo gĩ sēngē sēngē, tōngana ndä nĩ ayeke da pēpēe.

Sura 10

Zo kûe ayeke na ngangũ, lēgē ôko na āmbâ tí lo, tí tene amä polêlê tēnē tí yāngä tí lo na lē tí boro ngbanga sô fadē afa ānde wala āngangũ wala ākuandiä tí lo wala tōngana pāngō irĩ na tēnē sô alĩ ngbanga da na ndô tí lo sô ayeke mbĩrimbĩrĩ.

Sura 11

Zo kûe sô apä ĩrĩ tí lo na ndô tí mbēnĩ kpälē angbâ mokondõ asĩ na ngõi sô afa na lēgē tí ndiä atene lo sâra siõnĩ, na lē tí mbēnĩ ngbanga tí polêlê sô āwakokõ kûe adu da na pekõ tí lo.

Alĩngbi pēpēe tí kānga zo ndáli tí āyē sô lo sâra wala tí bēgirisa sô, na ngõi sô asi sô, ndiä tí kōdörö wala ndiä tí pöpöködörö afa nĩ tōngana kpälē pēpēe. Lēgē ôko, alĩngbi tí diko pēpēe mbēnĩ ponõn sô akono ahõn ndô tí lo sô ayeke dē ka nĩ na ngõi sô zo asâra kpälē sô.

Sura 12

Alĩngbi ôko pēpēe tí yôro terê na mbänä na yâ tí sēduti tí zo wala tí sēwa tí lo wala tí da tí lo wala tí diko mbētisũ tí lo. Alĩngbi pēpēe tí buba ĩrĩ tí zo ngä na wũngō tí ĩrĩ tí lo. Zo kûe ayeke na ngangũ tí tene ndiä abata lo ngbanga tí āmarä kpälē tōngasõ.

Sura 13

Zo kûe ayeke na ngangũ tí fonon yamba na yâ tí kōdörösése kûe. Lo yeke ngä na ngangũ tí soro ndo tí dutĩ tí lo na yâ tí mbēnĩ kōdörösése.

Zo kûe ayeke na ngangũ tí sigĩ na yâ tí kōdörösése kûe atä adu kōdörö tí lo, ngä tí kĩrĩ na kōdörö nĩ tōngana sô bê tí lo ayē.

Sura 14

Na yâ tí ponõn tí hong-a-ndo, amũ lēgē na zo kuê tí gi ndo tí dutĩ da ngä lo lĩngbi tí wara nĩ na kōdörö wandē.

Alĩngbi pēpēe tí mũ ngangũ sô na wakpälē tí fāngō zo wala na zo tí sārāngō āyē sô ague pēpēe na lēgē tí āpo na ākunibē tí bũngbi tí bēndo tí gĩgĩ.

Sura 15

Amũ ngangũ na zo kûe tí tene lo du zo tí mbēnĩ kōdörösése.

Alĩngbi pēpēe tí gbānzi mbēni zo na mbänä tí du wakōdörösése ngä na ngangũ tí gbĩan kōdörösése tí lo.

Sura 16

Asi na ngöi sô äla lingbi tî mü terê, amû ngangü na köli na wâlî tî mü terê tóngana köli na wâlî, sî äla lê sewä sêngé, tënë tî marä wala tî ködörösêse wala tî mabê alingbi tî kanga légê nî pëpëe. Na mbâgê tî müngö terê, amû ngangü, légê ôko na köli na wâlî na yâ tî dutingö tî äla ngä na kangbingö tî äla.

Köli na wâlî alingbi tî mü terê gî tóngana bê tî äla üse küê ayê tënë nî bianî.

Sëwä ayeke na gündä tî halëzo. Ni laâ, amû ngangü na letäa ngä na äzo küê tî tene äla bata nî ngangü.

Sura 17

Zo küê wala lo dutî na bôsôngbi wala lo dutî lo ôko ayeke na ngangü tî wara âkûngbâ tî lo mvenî.

Alingbi pëpëe tî mü âkûngba tî mbênî zo na ngangü na mabôko tî lo.

Sura 18

Amû na zo küê zarä tî bibê, tî boro-li na tî mabê ; ngangü sô afa atene zo küê ayeke na zarä tî gbïan mabê tî lo, wala bibê tî lo ngä na zarä tî fa polêlê mabê ti lo, lo ôko wala na yâ tî mbênî bûngbi, polêlê wala koiko, na légê tî fängö mbëtî, tî särängö yê, tî vöröngö nzapä ngä na särängö ângôbo.

Sura 19

Amû na zo küê ngangü tî zarä tî bibê na tî särängö tënë. Sô atene alingbi tî doroko zo pëpëe ndäli tî âbibê tî lo. Amû ngä na zo küê ngangü tî gi, tî wara na tî vûnga âsango na âkodê na âmarä légê küê, na ziängö bê pëpëe na ndö tî tënë tî âmekä.

Sura 20

Amû na zo küê ngangü tî zarä tî gbê lingö, tî lî na yâ tî bôsôngbi tî sirîrî.

Alingbi pëpëe tî gbû zo na ngangü tî lî na yâ tî mbênî bôsôngbi.

Sura 21

Amû na zo küê ngangü tî sâra kua tî lêngö ködörö tî lo, wala lo mvenî wala na légê tî âwasêlê sô asoro äla yamba.

Amû na zo küê ngangü tî wara kua na yâ tî ndokua tî letäa, légê ôko na âmbâ tî lo.

Kunibê tî halëzo ayeke na gündä tî ngangü tî awalêngö ködörö. Kunibê sô alingbi tî fa gî na légê tî aboro soro sô ayeke bää gîgî ngöi na ngöi, na lêge tî gbegö mobimba ngä na köbö soro wala na mbênî ngôbo sô amû ngangü tî zarä tî soro.

Sura 22

Zo küê tóngana wabôso tî halëzo ayeke na ngangü na kodêkua tî bätängö terê. Alöndö na âbängö nzöni na pekô tî ângangü tî mosoro, tî zängbingörö terê, tî ndara sô ayeke kötä yê ndäli tî nëngö terê na boro mäingö tî sêterê tî lo; gî na légê tî gbüngö mbîrîmbîri kua tî ködörö ngä na tî tängbingö kua na âködörö wandê sô abäa dôngôngbi na môsôrô tî ködörö ôko ôko.

Sura 23

Amû na zo küê ngangü tî sâra kua, na zarä tî söröngö kua tî bê tî lo, na yâ tî boro ngä na nzöni gerê tî kua. Alingbi ngä tî bata zo ngbanga tî tënë tî ponön tî särängö kua pëpëe.

Zo küê alingbi tî wara boro nginza tî kua sô alingbi na kua sô lo sâra

Zo sô asâra kua alingbi tî wara boro nginza tî kua sô alingbi tî tene lo na âsëwä tî lo adutî na yâ tî nëngö terê. Na ndöni küê, amû na lo anzîna ngangü tî sêbätängö terê.

Zo küê awara ngangü tî kîi na âmbâ tî lo âbûngbi tî âwakua, ngä tî lî bûngbi na âmbênî âbûngbi tî âwakua ngbanga tî gbüngö kokö tî äla.

Sura 24

Amû na zo küê ngangü tî woterê tî lo, tî sâra ngä ngä. Sô atene alingbi tî dë gî na légê nî längö kâpâ tî kua ngä na âlängö tî wöngö terê sô afûta nî.

Sura 25

Zo küê alingbi tî wara nginza sô alingbi na lo sî lo lê sêni tî lo, nzöni dutî tî lo ngä na tî sewä tî lo bianî na légê tî têngö kôbe, yüngö bongö, mûngo yoro ngä na zängbingö terê. Amû na lo ngangü tî bää nzöni na légê tî zangbingö terê na ngöi sô lo du na kua pëpëe, wala na ngöi tî sôngö terê wala ngbanga tî zën, wala ngbanga tî ndü, tî kangba wala na yâ tî âmbênî ngöi sô zo nî ayeke na mbênî légê tî bätängö na finî tî lo pëpëe, na pekô tî âmbênî siökpälê sô asî na lo.

Awâlî tî ngo na âmolengê tî äla alingbi tî wara taâ nzöni na kua tî zängbingö ndo. Amôlengê küê, wala adü äla na yâ tî müngö terê wala adü äla da pëpëe ayeke na ngangü na nî légê ôko.

Sura 26

Amû na zo küê ngangü tî mändängö mbetî. Ayeke fûta mändängö mbëtî nî pëpëe, mbîrîmbîrî na âkêtê dambëtî. Mändängö kodëyê na kodêkua alingbi tî gbû ndo küê. Zo küê alingbi tî manda mbëtî na kötä dambëtî, gî na légê tî kodê tî lo na hüngängö ndo tî lo.

Fängö mbëtî alingbi tî gue na légê tî kono sêterê tî äzo ngä tî kono ndiä tî bätängö nëngö terê tî äzo . Lo lingbi ngä tî mü légê tî kpêngba mängö terê, vürüngö bê na sôngö na pôpö tî âködörösêse tî âmarä wala âmabê ndê ndê ngä na mäingö âkua tî bûngbi tî bëndo tî gîgî ngbanga tî bata sirîrî.

Awadüngö môlengê âmvenî alingbi tî soro yamba kodê légê tî fängö hüngägö ndo na âmôlengê tî äla.

Sura 27

Zo küê ayeke na ngangü tî lê kua tî sëndägão tî äsöngö tî lo, tî tene lo wara âpendere yê tî ködörö tî lo na lo zîa mabôko na mäingö tî âsëndâyê ngä na lo bää nzöni na pekô nî.

Amû na zo ôko ôko ngangü tî sêbätängö ânzöni yê tî lo sô alingbi tî dutî âkûngbâ wala âbibê tî lo-mvenî. Anzöni yê sô alingbi tî löndö na pekô tî âkodêkua, asëndâyê, âsëndäsü wala tî sëndägão sô lo mvenî lo sâra.

Sura 28

Tî tene äzo akpê ângangü sô afa ge sô, ayeke nzöni mbênî dôngôngbi adu da sô alingbi tî bata nî. Dôngôngbi sô alingbi tî dutî na yâ tî ködörö nî tóngana na yâ tî dúnîa mobimba.

Sura 29

Zo ayeke na âhongä na mbâgê tî bôso sô lo du da sî lo mâi da yamba . Nî laâ sî alingbi tî mü na lo légê tî tene sêterê tî lo amâi nzöni bianî.

Ndiä alingbi tî lê ângangü tî bätängö nëngö terê tî zo . Lo lingbi ngä tî mü légê na zo ôko ôko tî kpê âmbâ tî lo ngä tî tene âmbâ tî lo akpê lo.

ângangü sô na âzarä sô alingbi ôko pëpê tî fîngi âwêsêlô, âpö, na gbegöndiä tî bûngbi tî bëndo tî gîgî mobimba.

Sura 30

Mbênî ködörösêse ôko pëpëe wala mbênî zo tî gîgî ôko alingbi pëpëe tî buba légê tî ândiä sô afa ge na yâ tî mbëtî-dëpâ sô.